



## ԴԱՇՆԱԿԱԶԱՐ ՌԱՖԻԻ ՊԵՏՐՈՍՅԱՆԸ ՄԱՅՐ ԱՅՈՒՌՈՒՄ

Աշխարհահռչակ դաշնակահար Ռաֆիի Պետրոսյանը Մայր Հայրենիք էր ժամանել Վեհափառ Հայրապետի գովելի նախաձեռնությամբ և հրավերով: Հայրենիք ժամանելուց հետո տաղանդավոր արվեստագետը իր համերգների նախօրյակին և թե ալ առիթներով հաճախ եղավ Վեհափառ Հայրապետի մոտ: Այս այցելությունները միշտ էլ անցնում էին ջերմ ու խանդավառ մթնոլորտում և արտագին զրույցներով: Առանձնապես հիշատակության արժանի է Վեհափառ տեղի ունեցած նոյեմբերի 21-ի հանդիպումը: Այդ հանդիպման ներկա էին դաշնակահարի հարգելի տիկինը, ծերունազարդ տատիկը (հանգուցյալ ահագնամիկուս Ստեփան Մալխասյանի այրին), ահապարհի հայ երգահաններ Աշոտ Սաթյանը, Արմո Բաբաջանյանը, Ալեքսանդր Հարությունյանը և ուրիշներ: Նորին Ս. Օծություն Վեհափառ Հայրապետը մտերմիկ խոսակցություններ և զրույցներ ունեցավ մեծանուն արվեստագետների հետ, ընդհանրապես երաժշտական աշխարհի և հայ երաժշտության, և մասնավորապես հայ եկեղեցական երաժշտության վերաբերյալ: Երաժշտական զրույցի ժամանակ բոլոր արվեստագետներն էլ նշեցին մեր եկեղեցական երգերի վեհությունը և բարձր արվեստը: Առանձնապես հուզիչ էր լսել Ռ. Պետրոսյանի շնորհակալական խոսքը ուղղված Վեհափառ Հայրապետի իրեն շնորհած Մայր Հայրենիքում հանդես դալու երջանիկ պատեհության համար: Տաղանդավոր արվեստագետը այնքան էր հուզված, որ նա չկարողացավ ավարտել իր երախտագիտական խոսքը և բարձրաձայն արտասվեց... Նրա վարակիչ արտասուքը համակեց բոլորին:

Վեհափառ Հայրապետն ևս խորապես զգացված էր այնքան ջերմորեն արտահայտված զգացմունքներից: Նա խոսեց նույնպեսի հուզմունքով: Հաճելի էր միաժամանակ նկատել Վեհափառ Հայրապետի հոգեկան գոհունակությունն իր ժողովրդի տարագիր բալց տաղանդավոր որդիներից մեկին իր բարձր արվեստը Հայրենիք բերելու և հարադատ ժողովրդին մատուցելու հնարավորությունը տված լինելու առթիվ: Իր խոսքի մեջ Վեհափառ Հայրապետը, ինչպես միշտ, այսօր ևս շեշտեց, որ Ինքը բաշակում ու սիրում է «իրավ» արվեստը, որը ժողովրդի հոգեկան կարողությանց և մշակութային արժանիքների ճշմարիտ արտահայտությունն է: Իր խոսքի վերջում Վեհափառ Հայրապետը Ռ. Պետրոսյանին բարեմաղթեց հաջողություններ իր այնքան սպասված համերգների ընթացքում:

Հարգելի հյուրերը հրաժեշտ առին Վեհափառ Հայրապետից, իրենց իսկ վկայությամբ՝ խորունկ տպավորություններով, անմոռանալի հուշերով լիցքավորված ու հարստացած:

Հաջորդ օրն իսկ, նոյեմբերի 22-ին Երևանում սկսվեց Ռ. Պետրոսյանի փոթորկոտ համերգների շրջանը, որն ունեցավ արտակարգ հաջողություն: Տաղանդավոր դաշնակահարը ամենախոստապահանջ երաժշտագետներին իսկ հիացրեց իր երաժշտական տաղանդով, կատարողական բարձր արվեստով: Շատերի համար ամենայն պարզությամբ հասկանալի դարձավ Բելգիայից մինչև Հարավային Ամերիկա, Հնդկաստանից մինչև Հյուսիսային Ամերիկա նրա արձանագրած համերգային հաղթանակների գաղտնիքը:

Կատարողական անթերի վարդապետությունը, զարմանալիորեն զգալուն և նուրբ երաժշտականությունը, արվեստը այնպիսի ներդաշնակ մի միասնություն են ստեղծում նրա նվագի մեջ, որ լսիչներին դրսևակա՛ն է հանդիսանում նրա համերգների անընդմեջ հաշտությունը: Պետրոսյանի նվագը հազից-ված է մարդկանցին ամենանուրբ զգացմունքներով, դուրսողաց հոգու քնարերգական գեղումներով ու քաղցրությամբ:

Խոտապահանջ երաժշտագետների և երաժշտաճերտաճեր հասարակացության զնահատություններ, Պետրոսյանի բաղմիջս հանդես գալը Հայֆիլհարմոնիայի համերգային մեծ դահլիճում՝ մշակութային նշանակալից երևվույթ էր:

Նրա համերգները փայլուն հաշտություններ արձանագրեցին նաև Թրիլիսիում:

Ռ. Պետրոսյանը նախքան իր վերադարձը Փարիզ, վերջին անգամ եղավ նորից Վահագն Հայրապետի մոտ, ստանալով նրա օրհնությունը: Տաղանդավոր դաշնակահարը իշավ նաև Մայր Տաճար, աղոթք ասաց իր պապերի դարավոր խորանների առաջ ու մեկնեց՝ զորացած իր ժողովրդի և Հայրենիքի սիրով և զգացմունքներով և նախնիքների լույս հավատով:

Բարի ճանապարհ ենք մաղթում սիրելի արվեստագետին և հետագա նորանոր հաշտություններ ցանկանում նրան:

ՄԵՍՐՈՊ ՎԱՐԳԱՊԵՏ ԱՆԹԱՅԱՆ

